

ՊՈԼՏՈՍԻ ՄԻՋՐԴԱՏ VI ԵՎՊԱՏՈՐ ԹԱԳԱՎՈՐԸ ՆԱԵՎ ՀԱՅՈՑ ԱՐՔԱ

ԲԱԲԿԵՆ ՀԱՐՈՒԹՅՈՒՆՅԱՆ

Հայոց Պատմահայր Մովսես Խորենացին մի հետաքրքիր տեղեկություն է պահպանել այն մասին, որ Հայոց Արտաշես թագավորը «...հրաման տալով... ղոր յարուցանել յարևելից և ի հիւսիսոյ բազում յոյժ, մինչև ոչ դիտել նմա ղհամարն, այլ յանցս և յիջևանս քար ըստ մարդաթուի կարկառնչան բազմութեանն թողուլ: Եւ խաղայ այնուհետեւ յարևմուտս, և ձերբակալ առնէ ղԿրիւսոս թագաւոր Լիւդացւոց:

Եւ դտեալ յԱսիայ պղնձաձոյլ ոսկեզօծ պատկերս ղԱրտեմիդեայ և ղՀերակլեայ և ղԱպողոնի՝ տալ բերել յաշխարհս մեր, ղի կանգնեցեն յԱրմաւիր: Զոր առեալ քրմապետացն, որ էին յազդեն Վահունեաց՝ ղԱպողոնին և ղԱրտեմիդեայն կանգնեցին յԱրմաւիր. իսկ ղՀերակլեայն զառնապատկերն, որ արարեալ էր ի Սկիւդեայ և ի Դիպինոսէ կրետացւոյ, ղՎահագն իւրեանց վարկանելով նախնի՝ կանգնեցին ի Տարօն, յիւրեանց սեպհական գիւղն յԱշտիշատ յետ մահուանն Արտաշիսի:

Բայց Արտաշիսի նուաճեալ զցամաքս միջոցաց ծովուցն երկոցունց՝ լնու ղՈւկկիանոս բազմութեամբ նաւաց, ծառայեցուցանել կամելով զբոլոր արևմուտս: Քանզի մեծ յոյզք խռովութեանց եղեալ ի Հռովմ ոչ ոք ընդդիմանայ նմա հզօրապէս: Այլ ոչ դիտեմ ասել յորպիսի ազդմանէ, ահադին իմն աղմուկ լեալ շփոթից և բազմութեան զօրացն զմիմեանս կոտորեալ, իսկ Արտաշէս փախուցեալ մեռանի, որպէս ասեն յիւրոց զօրացն, թագաւորեալ ամս քսան և հինգ:

Բայց յելլադայ առեալ պատկերս ղԴիոսի, ղԱրտեմիդեայ, ղԱթենայ, ղՀեփեստու, ղԱփրոդիտեայ՝ տալ բերել ի Հայս. որք ոչ ժամանեալ միջամուխ լինել յաշխարհս՝ լսեն զբօթ մահուանն Արտաշիսի. և փախուցեալ ընկենուն զպատկերսն յամրոցն յԱնի. և քուրմք զնոցին զհետ լինելով, դադարեն առ նոսա»¹:

Այս հակասություններով լեցուն հաղորդումը, որտեղ խոսվում է Հայոց Արտաշես թագավորի, լյուդիական արքա Կրյուսոսի կամ Կրեսոսի, Հռոմում տեղի ունեցած խռովության ու շփոթության, ինչպես նաև Հելլադայից բերված արձանները Դարանադյաց դավառի Անի ամրոցում հաստատելու մասին, տարբեր մեկնաբանությունների ու բացատրությունների տեղիք է տվել: Որքան էլ զարմանալի թվա, այս հաղորդման վրա առաջինն ուշադրություն է դարձրել հենց ինքը՝ Պատմահայրը, որը ոչ միայն հիշյալ տեղեկություններն արտացոլել է իր աշխատության մեջ, այլև մի

¹ Մովսիսի Խորենացւոյ Պատմութիւն Հայոց, աշխատութեամբ Մ. Աբեղեան եւ Ս. Ծառուիթիւնեան. Տփղիս, 1913, գիրք Բ, գլ. ԺԲ:

ամբողջ գլուխ է նվիրել Արտաշեսի աշխարհակալության և Կրեսոսին ձերբակալելու հետ կապված այլ պատմագիրների վկայություններին: Պատմիչի խոսքերով, հունաց պատմագիրներից ոչ թե մեկը կամ երկուսը, այլ շատերը հավաստում են այդ մասին՝ ստիպելով իրեն հարցը մանրազնին քննարկել տարակույսների պատճառով, քանի որ «...լուաք ի պատմութեանց ոմանց՝ Կիւրոսի սպանեալ զԿրիւսոս և բարձեալ զԹագաւորութիւնն Լիւգացւոց»²: Խորենացու հաշվարկներով, Կրեսոսի գահակալության շրջանը «...երկերիւր ամաւ յառաջ քան զՆեքտանեբայն», իսկ Նեքտանեբոսի ժամանակը՝ «...աւելի ևս երկերիւր ամաւ յառաջ քան զառաջնոյն Արտաշիսի Թագաւորի Հայոց»³, չնայած այլ տվյալներով Կրեսոսը և Նեքտանեբոսը՝ եգիպտոսի վերջին թագավորը, ժամանակակիցներ են⁴: Չնայած այս ամենին, ինչպես կրկին հավաստում է Պատմահայրը, շատ այլ հեղինակների համաձայն, Հայոց Արտաշես թագավորն է բռնել Կրեսոսին և այդ այնպես հավաստի է պատմվում, որ ինքը համոզվում է դրա ճշմարտացիության մեջ: Եվ որպեսզի իր ասածը սոսկ հայտարարություն չհնչի, նա տարբեր հեղինակներից բերում է մի քանի հաղորդումներ: Այսպես, ըստ Պոլիկրատեսի, պարթև Արտաշեսը նրա համար ավելի բարձր է, քան Ալեքսանդր Մակեդոնացին, քան «...զի կալով յիւրում աշխարհին՝ իշխեաց թեբայ և Բաբելոնի, և չե ընդ Ալիւս գետ անցեալ՝ զլիւգական սատակեաց զօրս, և կալաւ զԿրիւսոս. և յառաջ քան յԱսիայ հասանելն՝ յԱտտիկէ դղեկին քարոզեցաւ: Աւաղ բախտին. միայն թէ ի տերութեանն և ոչ ի փախստեան էր վախճանեալ»⁵: Մոտավորապես նմանատիպ տեղեկություն է բերում Խորենացին եվագարոսից. «Փոքր Ալեքսանդրի և Դարեհի սլատերագմն առ Արտաշիսի բաղդատեալ. քանզի նոցայն ոչ ի փոշւոյն մաքուր երևէր լոյս տուրնջեանն. այլ սա ծածկեաց նետաձգութեամբն և ստուերացոյց զարեգակն, ձեռագործ գիշեր զմիջօրեիւ արարեալ: Ոչ փախստեայ՝ համբաւաբեր Լիւգացւոցն թողեալ, այլ և զԹագաւորն նոցին զԿրիւսոս ի տապակի հրամայեաց կացուցանել: Վասն սորա և ոչ ուղիւք զգետն ստուարացուցին, արքամբն ի ձմեռնային նուագութիւն իջուցանելով. վասն զի և զթուոցն եցոյց տկար լինել՝ բազմութեամբ զօրացն, մինչ զի չափոյ պէտք ելեն առաւել քան զհամարոյ: Նա ընդ այս ոչ հպարտացաւ, այլ արտասուեաց ասելով. «Աւաղ փառացս անցաւորի»⁶: Բերված տեղեկություններից շատ չեն տարբերվում Սկամանդրոսի և Փղեգոնիոսի հաղորդումները, որոնք նույնպես տեղ են գտել Պատմահոր շարադրանքում⁷: Դրանց մենք դեռ կանգնադառնանք շարադրանքի ընթացքում, այժմ միայն մեջբերենք Փղեգոնիոսի այն տեղեկությունը, թե Պարթև Արտաշեսը «...մեծամեծ յազմանակօք պանծացեալ ի յիւրոյ զօրացն խողիողի»⁸:

Մեծն Խորենացին, որ միշտ պատրաստակամ է հայերի սխրագործութե-

² Նույն տեղում, գիրք Բ, գլ. ԺԳ:

³ Նույն տեղում:

⁴ Նույն տեղում:

⁵ Նույն տեղում:

⁶ Նույն տեղում:

⁷ Նույն տեղում:

⁸ Նույն տեղում:

յուններին վերաբերող իրադարձություններին հավատալու, ի վերջո գալիս է այն եզրակացության, թե «Արդ ես հաւատարմութեան արժանի համարիմ զայսոսիկ պատմութիւնս. և զայն Կրիստոս, որ առ Կիւրոսի և կամ Նեքտանեբուն պատմին, կամ սուտ լեալ և կամ միով անուամբ բազում թագաւորաց վարեալ, որպէս յովովից է սովորութիւն»⁹։ Չնայած Քերթոզահայր Մովսեսի այն ճիշտ մտքին, որ միևնույն անունով շատ թագավորներ են կոչվել և այդ կարող էր չփոթի պատճառ դառնալ, այնուամենայնիվ, նրա եզրակացությունն այն հարցում, թե Կրեսոսի Կյուրոսին ժամանակակից լինելը թերևս սուտ է, հեռու է իրականությունը համապատասխանելուց։ Բոլորովին էլ չկասկածելով խորենացու կողմից սկզբնաղբյուրներին հարապատ մնալու իրողությունը, այնուամենայնիվ, ցավոք սրտի, ստիպված ենք արձանագրել, որ չնայած հիշյալ հեղինակների իրական անձնավորություն լինելու հանգամանքին, Պատմահոր բերած հատվածները չեն պահպանվել իրենց բնագրերով։ Հետևաբար, եթե հաշվի առնենք նրա պրպտուն միտքը և ամեն մի տեղեկություն իր ուղեղի բովով անցկացնելու նրա հակումը, ապա հնարավոր է, որ բերված հատվածներն, այնուամենայնիվ, ինչ-որ չափով կորցրել են իրենց անաղարտությունը։ Համենայն դեպս, բոլորովին էլ անիմաստ չէ ենթադրել, որ նա նշված տեղեկությունները մեղ է ավանդել իր ընկալած տեսքով։ Օրինակ, շատ կասկածելի է, որ հույն հեղինակները, ոչ ավելի, ոչ պակաս Կրեսոսի ժամանակ հիշատակելն պարթև Արտաշեսին, քանի որ պարթևները հույների քաղաքական տեսադաշտում հայտնվելով հանդերձ մ.թ.ա. VI դ., մարերի և պարսիկների դեպի Փոքր Ասիա և Հունաստան կատարած արշավանքների ժամանակ, քաղաքական մեծ կշիռ ձեռք բերեցին միայն մ.թ.ա. III դ. կեսերից։ Բայց դրա հետ մեկտեղ ենթադրել, թե Արտաշեսի անվան հիշատակությունը սոսկ խորենացու երևակայության արդյունքն է, պարզապես անիմաստ է։ Պատմահայրը դատելով նրա «Պատմութիւն Հայոց»-ից, կարող էր չփոթել միևնույն անունը կրող գործիչներին և նրանց ապրած ժամանակաշրջանները, սակայն բացարձակապես կասկած չի հարուցում այն իրողությունը, որ նշված անձինք գոյություն ունեցել են, հետևաբար խորենացու կողմից մեծ ավանդված Արտաշեսի սկսածությունը բացատրության և մեկնաբանության կարիք ունի։

Անշուշտ հակառակ է, անշուշտ, կռահումներ կատարելը, երբ փաստական նյութը գրեթե բացակայում է, սակայն հենվելով թուվա Արծրունու մի տեղեկության վրա, այնուամենայնիվ, կամենում ենք բացատրության մի փորձ կատարել, որը, մեր կարծիքով, մեծ հավանականություն ունի, իսկ չի բացառվում նաև, որ պարզապես համապատասխանում է պատմական ճշմարտությանը։ Մեզ անհայտ մի ինչ-որ սկզբնաղբյուրից օգտվելով, Արծրունյաց պատմիչը գրում է. «Զայս գործ լուեալ Լիդէացոց թագաւորին Կրոսիսեայ բազմաշփոթ յուզմամբ ամբոխ արարեալ, զօրս բազումս գումարեալ, ելանել տալ պատերազմ ընդ Կիւրոսի, զորոյ զօրաժողով լինելն իմացեալ Կիւրոսի գրէ առ Տիգրան զօրս յօդնականութիւն առաքել նմա. զոր անյապաղ փութով զգօրսն հարաւայինս և հիւսիսայինս տալ իր ձեռս Քսերքսեայ և Արշէզայ որդւոյ նորուն Քսերքսեայ զի փութով անդր

⁹ Նույն տեղում։

Հասցեն. որոց գնացեալ պատահեն նմա ի Դներունդ Պարսից: Եւ յառաջեալ առաջոյ զօրուն Կիւրոսի յարդարեն զգործ պատերազմին: Իբրեւ խռնեցան ի զօրադլուխ գունդ Լիգէացւոց նետաձգութեամբ ընդ միմեանս հարեալ, և յերկարեալ գործ պատերազմին հարուստ մի ժամ, հասանէ արքայն Կիւրոս և Քսերքսէս. և Արշէգայ շուրջ փակեալ վահանաւորօք զԼիգէացւոց թագաւորաւն, տագնապ մեծ լինէր. զի թագաւորն Լիգէացւոց ասպազինեալ զերիվարն շուրջանակի պղնձի արկանելեօք յոտից մինչ ի դլուխ բովանդակ չթողեալ տեղի անկռուելի լինել զինուի, նա և զիւրեալ տախտակափակ լանջապահս, թիկնապահս, զանգապանս, սոնապանս, գլխապանս, որ գրեթէ բովանդակ պղնձեղենս զնա իմանալ թուէր, և զետեղեալ բլրած և զօրու անմատչելի կարծելով. և զօրքն ախոյեանայարձակ զպատերազմն վառէին: Յայնժամ ձայն բարձեալ Քսերքսէս և Արշէգ լի իմաստութեամբ, որպէս թէ ի զօրացն Լիգէացւոց իցեն, ասեն հարան զօրքն Կիւրոսի, և փախեալ արքայն: Նոքա առ լուրն խնդացեալ լքին զամրացեալ գունդն՝ աճապարել զհետ Կիւրոսի, եւ և ելս արարեալ զմիմեամբք, և թագաւորն Լիգէացւոց ճեմս առեալ երթայր զկնի զօրուն:

Նոյն ժամայն Քսերքսէս և Արշէգ վազս առեալ պատահեն Լիգէացւոցն. և ձերբակալ արարեալ մերկանան ի զինէ և ասպազինէ և տանին կացուցանեն առաջի Կիւրոսի. զոր առեալ Կիւրոս դառնայ ի ինորասան. և անտի դարձեալ ի Բաբելոն, ընդ իւր տանելով զԼիգէացիին. և զտունս գանձի նորահամայնեաց ածել յաւարի. և տանջեալ զնա ջղօք՝ տայ նմա և զգանձս աներևոյթս, և ինքն մեռանի ի հրամանէ Կիւրոսի, բարձեալ զտէրուծիւնն Լիգէացւոց:

Իբրեւ աջողութիւն գործոյն դլխաւորեցաւ եղև դառնալ Քսերքսեանց, առեալ ի պարգևի զՏմորիս ամրոցաւն և զգետափնեայն Նինուէի»¹⁰: Թովմայի հետագա շարադրանքի մեջ խոսվում է Կյուրոսի գործունեության, Բաբելոնը գրավելու ու գերեզմարված հրեաներին ազատելու, Գադա երկրի՝ դադատացիների տասներկու բյուր զորքի դեմ Տիգրանի ուղարկած օգնական զորքով՝ Քսերքսեսի և Արշեգի կողմից ղեկավարվող քառասուն հազարանոց բանակով արշավելու և նրանց ջախջախելու մասին, որի ժամանակ հայ զորականները շարժում են ոչ միայն պարսիկների, այլև օտարների զարմանքը: Հետո հայոց զորքը Կյուրոսի բանակների հետ հասնում է մինչև Երուսաղեմ և Քսերքսեսն ու Արշեգը հաղթանակած վերադառնում են հայրենիք¹¹:

Մենք ընթերցողի ուշադրությանը ներկայացրինք պատմիչների բավականին հանգամանալից հաղորդումները, ցույց տալու համար, որ Արտաշես անվան հիշատակությունը Կրեսոսի ժամանակներում բոլորովին էլ պատահական չէ: Թովմա Արծրունու տեղեկությունը, որն, անկասկած, քաղված է մի հին, շատ աթեքավոր, բայց մեղ անհայտ աղբյուրից, ցույց է տալիս, որ Կրեսոսին գերի վերցնելու գործում հայերը ի դեմս Քսերքսեսի և Արշեգի, կարևոր դեր են կատարել, կամ էլ ինչ-ինչ պատճառներով, ո-

¹⁰ Թովմա Արծրունի եւ Անանու. Պատմութիւն տանն Արծրունեաց, բնագիրը հրատարակության պատրաստեց, աշխարհարար թարգմ. և ծանոթագր. Վ. Մ. Վարդանյան. Երևան, 1985, էջ 64, 66:

¹¹ Նույն տեղում, էջ 66:

րոնց մասին դատողություններ անելը նյութի գերսակավության պայմաններում գրեթե անհնարին է, ավելի ուշ այն վերագրվել է հայերին: Եվ եթե ի նկատի ունենանք, որ Քսերքսես անունը գործնականում նույնական է Արտաշեսին, ապա կտեսնենք, որ Քսերքսես-Արտաշեսին հույն հեղինակները կարող են չփոթել մեկ այլ Արտաշեսի հետ: Արդեն այն հանգամանքը, որ Թոլմա Արծրունու հաղորդման համաձայն Կյուրոսը հայերի հետ մեկտեղ կռվում է գաղատացիների դեմ, հավաստում է, որ գործ ունենք ժամանակագրական որոշակի չփոթի հետ: Կելտական ցեղերը, որոնց հույները գալատներ (իմա՝ գաղաաներ կամ գաղատացիներ) էին անվանում, ներխուժել են Փոքր Ասիա մ.թ.ա. 278 թ. և, համաձայն Ստեփաննոս Բյուզանդացու միջոցով մեղ հասած III դ. պատմիչ Ապոլլոնիոսի տեղեկություն, նրանք օգնել են պոնտական թագավոր Միհրդատ I-ին և նրա որդի Արիորարդանին հետապնդելու Պտղոմեոսի կողմից Փոքր Ասիա ուղարկված եգիպտական զորքերին, որոնք հասել են մինչև Միջերկրական ծովը և Գաղատիայում հիմնել երեք քաղաք՝ Անկյուրան, Պեսինուստը և Տավիուսմը¹²: Հայտնի է, որ Պոնտոսի թագավոր Միհրդատ I Կտիստոսն իշխել է 302-266 թթ. մ.թ.ա. և նրա հարաբերությունները գաղատների հետ եղել են բարեկամական: Սակայն արդեն նրա հաջորդի՝ Արիորարդանի օրոք, Պոնտական թագավորությունը ստիպված էր ծանր և երկարատև պայքար մղել գաղատների դեմ, որի ընթացքում Արիորարդանը զոհվեց, իսկ գաղատներն սկսեցին ավերել պոնտական երկրամասերը¹³: Պոնտական թագավորությունից հետագա պատմությունից հայտնի է, որ Փառնակ I թագավորը 183-179 թթ. պատերազմի ժամանակ բանակով ներխուժեց Գաղատիա, որտեղ նրան միացան գաղատական ցեղերի առաջնորդներ Կարսիգնատոսը և Գեղետորիքսոսը¹⁴: Այս պատերազմի ժամանակ, որին որպես Պոնտոսի դաշնակից մասնակցում էր նաև Փոքր Հայքի թագավորությունը, պոնտական զորքերը 181/180 թթ. ձմռանը ամայացրին Գաղատիան, սակայն երբ Պերգամի զորքերը մուտք գործեցին Գաղատիա, Պոնտոսի դաշնակիցներ Կարսիգնատոսը և Գեղետորիքսոսն ընդունեցին Պերգամի իշխանությունը: Ջիսորանալով պատերազմի մանրամասների մեջ, որոնք դուրս են սույն ուսումնասիրությունից, չըմանալից, միայն նշենք, որ Պոնտական և Փոքր Հայքի թագավորությունները պատերազմը տանուլ տվեցին¹⁵: Փառնակին արգելվեց ներխուժել Գաղատիա, իսկ նրա գաղատների հետ կնքած պայմանագրերը չեղյալ հայտարարվեցին: Պոնտական թագավորն իր կատարած ավերածությունների և Պերգամի թագավոր Եվմենեսի կատարած ռազմական ծախսերի համար Պերգամին, Կապադովկիային և Բյութանիային ստիպված եղավ վճարել 1200 տաղանդ, իսկ Փոքր Հայքի թագավորը՝ 300 տաղանդ՝ Կապադովկիա ներխուժելու համար: Ուշագրավ է, որ բանակցություններին մասնակցեցին Մեծ Հայքի թագավոր Արտաշես I-ը, ո-

¹² Stephani Byzantii Ethniconum quae supersunt. Ex recensione Aug. Meinekii, t. I, Berolini, 1849, s.v. Ἀνκῦρα.

¹³ Н. Л о м о у р и. К истории Понтийского царства. Тбилиси, 1979, с. 34 — 35.

¹⁴ Polyb. XXIV, 8, 6:

¹⁵ Նույն տեղում, XXV, 2:

րին պատմիչը հիշատակում է որպես Հայաստանի մեծ մասի կառավարիչ, սարմատների Գաթալուս թագավորը և մի քանի ազատ քաղաքների ներկայացուցիչները¹⁶:

Պոնտական Միհրդատ V թագավորի օրոք Պոնտոսը պահպանեց իր գերիշխանությունը պափլագոնական և գաղատական հողերի նկատմամբ¹⁷ չնորհիվ հռոմեական զորավար Մանիոս Ակվիլիոսի օժանդակությամբ, որին որպես կաշառք որոշակի գումար էր տրվել: Այս վիճակը մեծապես փոխվել էր, երբ գահ բարձրացավ Միհրդատ VI եվպատորը: Փոքր Հայքի թագավորությունը, որ Փառնակի օրոք Պոնտոսի քաղաքական ազդեցության ոլորտում էր, ոչ միայն լիակատար անկախացել էր, այլև իրեն էր միացրել նախկինում Պոնտոսին պատկանող Սև ծովի հարավարևելյան առափնյա շրջանը՝ Փառնակիա և Տրապիզոն քաղաքներով: Անկախացել էին Գաղատիան, Պափլագոնիայի մեծ մասը, իսկ Փոյուզիան դրավվել էր Հռոմի կողմից¹⁸: Հակառակ իր երիտասարդ տարիքին, Միհրդատ VI եվպատորը հանդես բերեց քաղաքագետի մեծ ունակություններ և կարողացավ կարճ ժամանակում վերականգնել իր պետության ռազմական հզորությունը և քաղաքական հեղինակությունը: Ուսումնասիրողները հակված են կարծելու, որ պոնտական թագավորի առաջին գործերից մեկը եղավ Փոքր Հայքի թագավորության նվաճումը, խլելով այն Արտաբանանի օրոքի Անտիպատրոս թագավորից: Իրերի բերումով մենք այդ հարցին դեռ կանգնադառնանք, որովհետև այն անմիջականորեն առնչվում է մեր քննարկվող խնդրին, այժմ լուրջ նշենք, որ Միհրդատ VI-ը դրավեց նաև Կոզքիսը (իմա՝ ներկայիս Արևմտյան Վրաստանի տարածքը), ինչպես նաև Եվքսինյան Պոնտոսի (Սև ծովի) հյուսիսարևելյան առափնյա շրջանը:

Ամրապնդելով իր թիկունքը ոչ միայն հիշյալ երկրների միացումով, այլև Մեծ Հայքի հեռու կնքած փոխօգնության պայմանագրով, պոնտական թագավորը կարող էր իր հայացքն ուղղել դեպի փոքրասիական հելլենիստական պետությունները, որոնք նա մտադիր էր միավորել իր իշխանությունների: Իսկ այստեղ քաղաքական քարտեզը ներկայացնում էր ներքորերյալ պատկերը: Հռոմն իրեն էր միացրել Պերգամի թագավորությունը, որն ստացել էր Առանձնակ Ասիա պրովինցիա անունը, և Կիլիկիան, որը նույնպես վերածվել էր առանձին պրովինցիայի: Մ.թ.ա. 116 թ. Հռոմը Պոնտոսից գրավել էր Մեծ Փոյուզիան և Կապադովկիայից՝ Լիկանիան¹⁹: Գաղատիան անկախացել էր Պոնտոսից և այնտեղ իշխում էին Հռոմի քաղաքական ազդեցության տակ գտնվող չորրորդապետերը կամ տետրարքոսները: Հռոմն իր ռազմավարական խնդիրն էր համարում Գաղատիան պահպանել որպես բուլֆերային՝ իր գերիշխանության ոլորտում գտնվող պետություն, հռոմեական տիրույթների և Պոնտոսի թագավորության միջև²⁰: Պափլագոնիան իրենից ներկայացնում էր մի քանի կիսանկախ երկրամասեր, որոնց մի մասը գտնվում էր Պոնտոսի, մյուս մասը՝ Բյուզանդիա-

¹⁶ Նույն տեղում, XXVI, 6:

¹⁷ Т. М о м м з е н. История Рима. Т. II, М., 1937, с. 57. Տե՛ս նաև E d . M e y e r. Geschichte des Konigreich's Pontos. Leipzig, 1879, S. 47.

¹⁸ Th . R e i n a c h. Mithridates Eupator Konig von Pontos. Leipzig, 1895, S. 47.

¹⁹ Նույն տեղում, էջ 73-74:

²⁰ A p p i a n. Mithr., 46 l 50.

յի և երրորդը՝ Գաղատիայի գերիշխանության ներքո²¹։ Պոնտոսի թագավորության մրցակից և նրան արևմուտքից սահմանակից Բյութանիայի թագավորությունը, որ տիրում էր Բոսֆորի նեղուցին և վերահսկում ծովային առևտրական ուղիները, նշանակալից ուժեղացել էր և սերտ հարաբերություններ էր պահպանում Հռոմի հետ։ Վիճակը համեմատաբար լավ էր հարավում, որտեղ թուլացած և անկման ուղին բռնած Կապադովկիան մեծապես գտնվում էր Պոնտոսի քաղաքական ազդեցության ներքո²²։ Փոքրասիական հելլենիստական թագավորություններն ավելի կամ պակաս չափով գտնվում էին Հռոմի ազդեցության ոլորտում կամ գերիշխանության ներքո, ուր ազատորեն մուտք էր գործում հռոմեական ֆինանսական կապիտալը՝ տնտեսապես ենթարկելով դրանք Հռոմեական հանրապետությանը։ Վիճակն անհամեմատ ավելի վատ էր հռոմեական պրովինցիաներում, որտեղ հռոմեական վարչության լուծն անտանելի էր դարձել, իսկ հռոմեական պաշտոնեականության կամայականություններն անցել էին ամեն մի թույլատրելի սահման։ Հակահռոմեական տրամադրությունները, որոնք պարարտ հող էին ստացել ստեղծված կացության պատճառով, միանգամայն նպաստավոր էին Պոնտոսի դեպի արևմուտք ծավալվելու համար, որոնցից Միհրդատ Զ-ը չհապաղեց օգտվել։

Առաջին երկիրը, որ պոնտական թագավորը գրավեց, Պափլագոնիան էր։ Մ.թ.ա. 106 կամ 105 թ.՝ դաշինք կնքելով Բյութանիայի թագավոր Նիկոմեդես II-ի հետ, Միհրդատ VI-ը այդ երկիրը կիսեց նրա հետ իր թագավորությանը միացնելով վերջինիս մեծագույն մասը։ Հռոմի լուեյայն համաձայնությունը, հավանաբար, ձեռք բերվեց Հռոմ ուղարկված պատվիրակության կողմից սենատորներին կաշառելու միջոցով²³։ Չնայած պաշտոնապես նվաճումը չճանաչվեց, Հռոմը ոչ մի գործնական քայլ չձեռնարկեց զավթիչներին Պափլագոնիայից դուրս վտարելու ուղղությամբ, որը մնաց հիշյալ թագավորի իշխանության ներքո²⁴։ Ազատ շունչ քաշելով այս առաջին հաջողությունից հետո և իրեն բավարար ուժեղ զգալով, Միհրդատ VI-ը՝ առանց որևէ մեկի հետ դաշնակցելու, հարձակվեց Գաղատիայի վրա, որտեղ նա կոտորեց գրեթե բոլոր տետրարքոսներին, որոնցից փրկվեցին միայն երեքը։ Հայտնի է, որ Փոքր Ասիա մուտք գործած գաղատները բաղկացած էին երեք ցեղերից՝ տոլիստոբոսներ, տեկտոսադեր և տրոքմեր, որոնցից յուրաքանչյուրն իր հերթին բաժանվում էր չորս չորրորդապետության կամ տետրարքիայի։ Այլ խոսքով, Գաղատիան բաղկացած էր տասներկու տետրարքիայից, որոնք ունեին իրենց ընդհանուր ժողովը՝ կազմված 300 մարդուց²⁵։ Թ. Ռեյնախի կարծիքով փրկված երեք տետրարքոսներից մեկը պետք է որ եղած լինի Դեյոտարոսը, որին հետագայում բախտ էր վիճակված միավորելու ամբողջ Գաղատիան²⁶։

²¹ Strabo, XII, 3, 14. St. Byz., s.v. Κρήσα.

²² Н. Ломоури. Նշվ. աշխ., էջ 81:

²³ Նույն տեղում, էջ 84:

²⁴ Justin, XXXVII, 4; XXXVIII, 7. Th. Reinach. Նշվ. աշխ., էջ 87-88:

²⁵ Галаты, տե՛ս "Советская историческая энциклопедия", т. IV, М., 1963, с.

49.

²⁶ Th. Reinach. Նշվ. աշխ., էջ 88-89: Տե՛ս նաև Justin, XXXVII, 4, 6.

Բավական է ուշադրություն դարձնել այս իրադարձության վրա Թովմա Արծրունու տեղեկությունների լույսով, համոզվելու համար, որ Քսերքսեսի և Արշեգի կողմից ղեկավարված հայկական զորքերի գաղատացիների դեմ ձեռնարկված արշավանքը կարող է նույնանալ միայն Միհրդատ VI-ի վերը նշված արշավանքին դեպի Գաղատիա: Չնայած հստակ տեղեկությունների բացակայությանը, դժվար է ենթադրել, որ գաղատական ամեն մի տեսարարքս սլահել է մի բյուրից բաղկացած զորամաս, ուստի Արծրունյաց պատմիչի կողմից գաղատացիներին տասներկու բյուրից բաղկացած զորք վերադրելը բոլորովին էլ անիմաստ է: Մեզ չպետք է զարմացնի նաև զորքի նման քանակությունը, որ կարծես շատ ավելին է Գաղատիայի պես երկրի համար: Իրականում հարցը շատ պարզ պատասխան ունի: Ցեղային կազմակերպությունը պահպանած դադատների մոտ ամեն մի հասուն տղամարդ ռազմիկ էր, որը կարող էր մարտագաշտ գուրս գալ անհրաժեշտության դեպքում: Ժամանակագրական առումով, որ այս հիշատակությունը վերաբերել է Միհրդատ VI-ի ժամանակներին, իր անուղղակի հաստատումն է դառնում Պատմահոր մոտ, որի իրադրությունը Հռոմում տեղ գտած խռովությունների պատճառով հայոց Արտաշես թագավորին ոչ ոք չի ընդգիմանում իր արշավանքի ժամանակ: Եվ եթե շարունակենք Միհրդատ VI-ի մղած պատերազմների պատմությունը, ապա կտեսնենք, որ այն դրեթե նույնական է Պատմահոր կողմից հայոց Արտաշես թագավորի մղած պատերազմի մասին բերված հաղորդմանը:

Մենք մտադիր չենք Միհրդատ VI-ի մղած պատերազմներին լրիվ անդրադառնալ: Ասենք միայն, որ նա Տիգրան II հայոց թագավորի օգնությամբ մի քանի անգամ ռազմակալեց Կապադովկիան: Հռոմը, որ քաղաքացիական խռովությունների շրջան էր ապրում, այնուամենայնիվ, ստիպեց, որ պոնտական բանակները դուրս դան Կապադովկիայից, իսկ բյուլթանիական զորքերը՝ Պավլագոնիայից: Թվում էր, թե Սուլլայի կողմից Արիոբարզանին Կապադովկիայի գահ բարձրացնելուց հետո, որն անմոռն էր ընդունվեց պոնտական թագավորի կողմից, խաղաղությունը վերականգնված է: Սակայն մոտավորապես այդ ժամանակներում մահացավ Բյուլթանիայի թագավոր Նիկոմեդես II-ը և նրան հաջորդեց նրա որդին՝ Նիկոմեդես III Փիլիպատորը, որի գահակալությունը հաստատեց Հռոմեական սենատը: Սակայն դահի նկատմամբ հավակնություններ հանդես բերեց նրա եղբայր Սոկրատոս Քրեստոսը, որն օգնություն ստացավ Միհրդատ VI եվպատորից՝ Հասկանալի է, որ, գտնվելով անելանելի վիճակում, Նիկոմեդես III-ն էլ իր հերթին դիմեց Հռոմեական սենատի օժանդակությանը: Վերջինս Փոքր Ասիա ուղարկեց Մանիոս Ակվիլիոսին, որը վերականգնեց Նիկոմեդես III-ի իշխանությունը, իսկ Միհրդատ VI-ը ոչ միայն դիմագրություն ցույց չտվեց, այլև հրամայեց սպանել Սոկրատոս Քրեստոսին²⁷: Սակայն Պոնտոսի բռնած գիրքը ինչ-ինչ պատճառներով չգոհացրեց Հռոմեացիներին և Մանիոս Ակվիլիոսը, անկասկած, սենատի հրահանգով քայլեր ձեռնարկեց Միհրդատին պատերազմի մեջ ներքաշելու ուղղությամբ: Նրա հրահանգմամբ Նիկոմեդես III-ը փակեց Բոսֆորի նեղուցը պոնտական

²⁷ Justin, XXXVIII, 2-3. Appian., Mithr., 11.

նավերի համար, իսկ ինքն էլ ցամաքային ուժերով ներխուժեց Պոնտոս ու սկսեց ասպատակել մինչև Ամաստրիս ընկած հողերը: Պոնտական թագավորը բավարար ուժեր ունեւ պատժելու Նիկոմեդես III-ին, սակայն շատ լավ հասկանալով, թե ով է նրա թիկունքում կանգնած,²⁸ գեսպան ուղարկեց Ակվիլիոսի մոտ, գանգատվելով բյուլթանիական թագավորի ապօրինի գործողություններից: Պոնտական կողմը խնդրում էր կամ միջամտել ու օգնել Միհրդատին, կամ էլ թույլատրել պաշտպանվելու սեփական ուժերով: Մանրոս Ակվիլիոսը պատասխանեց, որ Պոնտոսը պետք է ձեռնպահ մնա Նիկոմեդեսի հետ պատերազմելուց²⁹:

Ստեղծված պայմաններում Միհրդատը որոշեց չենթարկվել հռոմեացիներին և ձեռնամուխ լինել իր վաղուց փայփայած ծրագրի հելլենիստական խոշոր պետություն ստեղծելու գաղափարի իրականացմանը, քաջ գիտակցելով, որ այն տանում է Հռոմի հետ առճակատման: Շուտով ռազմակալվեց Կապադովկիան, որը հռոմեացիները պահանջեցին ազատել և ձեռնադրել մնալ Բյուլթանիայի գործերին միջամտելուց: Միհրդատի համար պարզ դարձավ, որ պատերազմն անխուսափելի է: Ուստի նա սկսեց տնդորեն պատերազմի պատրաստվել: Ինչ վերաբերում է Հռոմին, ապա վերջինս իտալիկների ապստամբություն պատճառով ծանր կացություն մեջ էր գտնվում:

Մ.թ.ա. 89 թ. սկսվեց Միհրդատյան Առաջին պատերազմը: Պոնտական թագավորի հռոմեացիներին գերազանցող ուժերը՝ 250 հազար հետևակ և 40 հազար այրուծի զինվոր, գումարած Փոքր Հայքի 10-հազարանոց հեծյալ զորարանակը, 130 մարտականքերը, 300 տախտակամածով և 100 երկշարք թիւր ունեցող նավերը,³⁰ մարտական գործողություններ սկսեցին Հռոմի դեմ ծովում և ցամաքում: Հռոմեացիներն իրենց տրամադրություն տակ ունեին 120 հազար հետևակ և 12 հազար հեծյալ մարտիկներ, որոնց կարող էին միանալ Նիկոմեդես III-ի 50 հազար հետևակայիները և 6 հազար այրուծի մարտիկները³¹: Հռոմեական զորքերը՝ բաժանվելով երեք մասի, Կասիոսի գլխավորությամբ զիւրքեր գրավեցին Բյուլթանիայի և Գազատիայի սահմանադիւխն, Ակվիլիոսի ղեկավարությամբ՝ Բյուլթանիայի և Պոնտոսի սահմանադիւխն, որտեղից Միհրդատը կարող էր ներխուժել Բյուլթանիա, և Օպիոսի առաջնորդությամբ՝ Կապադովկիայում, իսկ հռոմեական նավատորմը Մինուկիոս Ռուփոսի և Գայոս Պոպիլիոսի հրամանատարությամբ խարիսխ ձգեց Բյուլթանիոսի մոտ հսկողության տակ առնելով դեպի Եվքսինյան Պոնտոս տանող ծովային ուղին: Միհրդատն էլ իր հերթին իր զորքերը բաժանեց երեք բանակների, որոնց գլուխ կանգնեցին Արքելայոս զորավարը, նրա եղբայր Նեոպտոլեմոսը և ինքը: Ուժերի առավելությունը շուտով իրեն զգալ տվեց: Նիկոմեդեսի զորքերը խայտառակ պարտություն կրեցին, իսկ հռոմեացիները՝ պարտություն կրելով միշարք ճակատամարտերում, ստիպված եղան փախուստ տալ: Նիկոմեդեսը և Ակվիլիոսը սկզբում ամրացան Պերգամոն, հետո փախան Հռոդոս կղզի

²⁸ A p p i a n., Mithr., 12.

²⁹ Նույն տեղում, 12-14:

³⁰ A p p i a n., Mithr., 17.

³¹ Նույն տեղում:

և այնուհետև՝ Լեսբոս, որտեղ նրանց միացավ Ապամեայում ամրանալու անհաջող փորձ կատարած Կասիոսը: Կվինտոս Օպիոսը փակվեց Լաոդիկեայում և որոշ ժամանակ դիմադրություն ցույց տվեց, իսկ նավատորմի հրամանատարները, սարսափահար դառնալով, պարտություններից, նավերը հանձնեցին Միհրդատին, որը տիրեց Բոսֆորին: Պոնտական թագավորն իր գործունեությամբ օրավուր ուժեղացնում էր իր նկատմամբ Փոքր Ասիայում վաղուց ձևավորված համակրանքը, որի դրսևորումներից մեկը եղավ Լաոդիկեայի բնակիչների կողմից Կվինտոս Օպիոսին Միհրդատին հանձնելը: Լեսբոս կղզու Միտիլենե քաղաքը նրան հանձնեց պատերազմի իսկական հրձիգին՝ Մանիոս Ակվիլիոսին, որին Միհրդատը՝ Փոքր Ասիայով մեկ ձիուն կապված կամ ջորուն ամրացված պտտեցնելուց հետո, Պերգամոնում կարգադրեց արծաթասիրության համար կոկորդը հալած ոսկի լցնել: Ընչաքաղցը մահացավ անասելի տանջանքների ենթարկվելով: Միհրդատի հրամանով 80 հազար հռոմեացիներ և իտալիկներ կանանց և երեխաների հետ մի որոշակի օր կոտորվեցին³²:

Հաջվի առնելով Պերգամի ռազմավարական դիրքն ու տնտեսական նշանակությունը, պոնտական թագավորը մայրաքաղաքը տեղափոխեց Սինոպից Պերգամ: Կապադոկիան, Փոյուզիան և Բյութանիան վերածվեցին պոնտական սատրապությունների, իսկ հունական քաղաքներն ազատ հռչակվեցին՝ հինգ տարով ազատվելով ամեն տեսակի հարկերից: Պատերազմական գործողությունները տեղափոխվեցին Եվրոպա, որտեղ նրան օգնում էին Թրակիայի և Արևմտյան մերձսևծովյան շրջանի դաշնակիցները: Թագավորի որդի Արիարաթը ներխուժեց Մակեդոնիա և վերջինիս Արդերա և Փիլիպե քաղաքները վերածեց ռազմական հենակետերի: Էգեյան ծով մտավ պոնտական ռազմական նավատորմը և շուտով ռազմակալեց բոլոր կղզիները: Դիմադրեց միայն Հոդոսը, որն անգամ պարտության մատնեց Արքելայոս զորավարին, դրանով իսկ խանգարելով պոնտական զորքերին ամրանալու Բալկաններում: Այսուհանդերձ, նա՝ նավատորմի մի մասը թողնելով Հոդոսում, նավատորմի և ցամաքային ուժերի մեծ մասն ուղարկեց Հունաստան, որտեղ բնակչությունը նրան սպասում էր որպես ազատարարի: Ապստամբեց Աթենքը: Բացի Էպիրոսից, ամբողջ Հունաստանն անցավ Միհրդատ VI-ի կողմը՝ ընդունելով նրա իշխանությունը: Պոնտական զորքերին, որպես Հռոմի դաշնակիցներ կամ ենթականեր, դիմադրություն էին ցույց տալիս միայն Հոդոսը և Կարիայի ու Լյուկիայի որոշ քաղաքներ: Հռոմեական իշխանությունն Արևելքում փաստորեն վերացվել էր:

87 թ. մ.թ.ա. վերջապես Բալկաններ ուղարկվեց հունական մի բանակ Կոռնելիոս Սուլլայի գլխավորությամբ: Նա ափ դուրս եկավ Էպիրոսում, արագ շարժվեց Բեոպտիա և Արքելայոս զորավարին հաղթելուց հետո 86 թ. մարտի 1-ին գրավեց Աթենքը՝ թուլյատրելով իր զինվորներին կողոպտել այն: Չունենալով նավատորմ և անհրաժեշտ դրամական միջոցներ, Սուլլան չկարողացավ զարգացնել հաջողությունը, որին մեծապես նպաստեց Հռոմում Գայոս Մարիոսի իշխանության պլուրս գալը: Սուլլան սլաշ-

³² Նույն տեղում, 22-23: Memnon, 30.

տոնանկ արվեց, նոր զորահրամանատար նշանակվեց Վալերիոս Ֆլակկոսը: Անհանգստացած իր զորքերի պարտությունից, Միհրդատը նոր զորքեր ուղարկեց Մակեդոնիա Դորիլայոսի առաջնորդությամբ: Վերջինս իր ուժերով միացավ Արքելայոսի զորքերի մնացորդներին և, չանսալով վերջինիս խորհուրդներին, հարձակվեց հռոմեական բանակի վրա և նույն թվականին Քերոնեսայի մատույցներում խայտառակ պարտություն կրեց: Պոնտական զորքերը, կրկին պարտություն կրելով Օրքոմենեի մոտ, ստիպված էին թողնել Հունաստանը: Ի վնաս Միհրդատի փոխվեց իրադրությունը նաև Փոքր Ասիայում, որտեղ բնակչությունը դիմավորելով նրան որպես ազատարարի, շատ շուտով հիասթափվեց նրանից հարկերի ու պարհակների մշտական բարձրացման և հաճախակի զորակոչների պատճառով: Հունական քաղաքների արիստոկրատական և առևտրավաճառական խավերը դժգոհ Միհրդատի բռնատիրությունից, աստիճանաբար սկսեցին հակվել գեսիի Հռոմը: 86 թ. ապստամբեց Եփեսոս քաղաքը, որը չնայած ճնշվեց և թագավորը գնաց մի քանի զինվորների, դրությունը փրկել այլևս չհաջողվեց: 86 թ. Հունաստանում ափ իջած հռոմեական նոր բանակը Պրոպոնտիսում հաղթեց Միհրդատի զորքերին և գրավեց Պերգամը, իսկ հռոմեական նոր ստեղծված նավատորմը տիրեց Էգեյան ծովի կղզիներին: Դրությունն այնպես ծանրացավ, որ Միհրդատը հանձնարարեց Արքելայոսին հաշտության բանակցություններ սկսել: Եվ քանի որ Սուլլան նույնպես չահադրուված էր պատերազմը շուտափույթ ավարտելու հարցում, նա համեմատաբար թեթև պայմաններ դրեց՝ պահանջելով իրեն հանձնել Արքելայոսի հրամանատարության տակ գտնվող ողջ նավատորմը, վերադարձնել գերիներին և փախստականներին (իմա՝ պոնտացիների կողմն անցածներին), ազատել Եվքսինյան Պոնտոս տարված Քիոս կղզու բնակիչներին, դեռևս Միհրդատի ենթակայության տակ դանվող ամրոցներից դուրս բերել զորքերը, վճարել հռոմեական զորքերի ուժերը և սննդամթերք մատակարարել նրանց, փոխհատուցել պատերազմական ծախսերը 3000 տաղանդի չափով և վերադարձնել Կապադովկիան, Պափլագոնիան, Գաղատիան, Բյուլթանիան, Ասիա Առանձնական ու կղզիները՝ բավարարվելով սեփական տիրույթներով³³:

84 թ. Միհրդատը մեծ դժկամությամբ ստիպված եղավ ընդունել բոլոր պայմանները: Դարդանոսի բանավոր հաշտությամբ խաղաղություն հաստատվեց և Միհրդատյան պատերազմն ավարտվեց: Վերականգնվեցին Բյուլթանիայի և Կապադովկիայի թագավորությունները³⁴: Վերադառնալով Սինոպ, Միհրդատն ստիպված էր խաղաղացնելու իր դեմ ապստամբած Կողքիսը և ճնշելու ապստամբությունը Բոսպորում: Նա կարողացավ գլխավորել ջախջախել հռոմեական զորավար Մուրենայի բանակը, որը ներխուժեց Պոնտոս և ավերեց մի շարք երկրամասեր: Մուրենայի զորքերի

³³ Appian., Mithr., 55. Plut., Sulla, 31-32. Memnon, 35.

³⁴ Միհրդատյան Առաջին պատերազմի ընթացքի մասին մանրամասն տե՛ս T. Mommsen. Նշվ. աշխ., էջ 266-268. H. Bernhardt. Chronologie der Mithridatischen Kriege, Dissert. Marburg, 1896, S. 7 և շարունակություն: Th. Reinach. Նշվ. աշխ., էջ 298 և շարունակություն: A. Dugan. The Died Old Mithridates Eupators, King of Pontus. London, 1958, p. 168 և շարունակություն:

Ջախջախումը, որ տեղի ունեցավ մ.թ.ա. 83-82 թթ., պատմագիտության մեջ ընդունված է անվանել Միհրդատյան երկրորդ պատերազմ: Հասկանալով, որ Դարդանոսի բանավոր հաշտությունը կարող է ամեն պահ խախտվել, պոնտական թագավորը 79 թ. պատվիրակություն ուղարկեց Հռոմ խնդրելով Սուլլային զրավոր ձևակերպել Դարդանոսի հաշտությունը: Օգտագործելով որպես պատրվակ Կապադովկիայի թագավոր Արիոբարզանի բողոքը՝ Կապադովկիայի հյուսիսային շրջանները հազատելու վերաբերյալ, Սուլլան հրաժարվեց պայմանագիրը զրավոր վավերացնելուց և պահանջեց Միհրդատից մաքրել Հյուսիսային Կապադովկիայի տարածքը պոնտական զորքերից: Պոնտական թագավորը պահանջը կատարեց և 78 թ. նոր պատվիրակություն ուղարկեց Հռոմ նույն խնդրանքով: Ի ցավ Միհրդատի, Սուլլան արդեն մահացել էր, իսկ սենատը պատվիրակներին լսել անգամ չուղեց: Միհրդատը, որ Առաջին պատերազմում պարտություն կրելուց հետո աշխատում էր խուսափել Հռոմի հետ բախվելուց, հասկացավ, որ բանակցություններն այլևս իմաստ չունեն և պետք է կրկին պատրաստ լինել պատերազմի: Միհրդատի համար խիստ նպաստավոր էր այն իրողությունը, որ Փոքր Ասիայի բնակչությունը Սուլլայի դաժան ձեռնարկումների և հռոմեական պաշտոնեության ու առևտրավաճառական խավերի կամայականությունների ու շորթումների պատճառով ատելություններ էր ցուցաբերում հռոմեացիների նկատմամբ: Կոնսուլ Մարկոս Լեպիդոսը 87 թ. ապստամբել էր, շարժվել Հռոմ՝ գլխավորելով հյուսիսային Իտալիայի դժգոհ տարրերին, իսկ Իսպանիայում տաղանդավոր զորավար Քվինտոս Սերտորիոսը մատնում էր պարտություն պարտության հետևից հռոմեացիներին: Պոնտական թագավորը մեծ բանակ ստեղծեց, որը դաշնակից զորքերի հետ միասին կազմված էր 140 հազար հետևակայիններից և 16 հազար հեծյալ մարտիկներից³⁵: Ըստ անտիկ աղբյուրների, Միհրդատի ռազմական նավատորմը կազմված էր 400-ի չափ մեծ ու բավարար քանակությամբ փոքր նավերից: Պոնտական բանակն աչքի էր ընկնում իր պատրաստվածությամբ և զինվածությամբ: Բանակցություններ սկսելով Սերտորիոսի հետ, որը համաձայնվեց նրան զիջել Կապադովկիան, Բյութանիան, Պափլագոնիան, Փաղատիան և օգնական զորաջոկատ ուղարկեց փորձված զորավարի գլխավորությամբ, Միհրդատին բավականին հուսապնդեց և նա իր հերթին նրան ուղարկեց զրամ և 40 նավից բաղկացած նավատորմ³⁶:

Միհրդատյան երրորդ պատերազմի պատրվակ դարձավ Բյութանիայի թագավոր Նիկոմեդես III-ի մահը, որն իր թագավորությունը կտակել էր Հռոմին: Անկախ այն հանգամանքից, որ կտակը բնավ էլ կամավոր չէր գրվել և թագավորը դա կատարել էր հռոմեացի վաճառականներից ու վաճառողներից պարտք վերցրած նշանակալից դոլմարները վերադարձնել չկարողանալու պատճառով, Միհրդատը, որին բնավ չէր ուրախացնում Հռոմին սահմանակից դառնալու ապագան, հանդես եկավ Նիկոմեդես III-ի որդու իրավունքների պաշտպանությամբ և մ.թ.ա. 73 թ. նրա բանակները շատ արագ ռազմակալեցին Բյութանիան: Զախջախելով Կոտտայի զորքը, պոնտական զորքերը շարժվեցին Ասիա պրովինցիա և դրավեցին Հելլես-

³⁵ A p p i a n., Mithr., 69.

³⁶ A p p i a n., Bell. civ., I, 107, Iberica, 101.

պոնտոսի առափնյա շրջանը: Նրանց ձեռքն ընկավ Կոտտայի հրամանատարության տակ գտնվող հռոմեական ողջ նավատորմը: Սակայն հռոմեական զորավար Լուկուլլոսին հաջողվեց ոչ միայն ետ գրավել հռոմեական տիրույթները, այլև պարտության մատնելով Միհրդատին, ներխուժել Պոնտոս: Կրելով պարտություն պարտության հետևից, Միհրդատ VI-ն ստիպված էր փախչել Հայաստան: Վերջին ծանր պարտությունը նա կրեց Կարենյրայի մոտ: Լուկուլլոսին հաջողվեց մեծ դժվարությամբ գրավել ծովափնյա Ամիսոս, Պոնտական Հերակլեա և Սինոպ, ինչպես նաև վաճառաշահ Ամասիա քաղաքները:

Լուկուլլոսը, հաղթանակներից հարբած, Հայոց արքայից արքա Տիգրան II-ից պահանջեց իրեն հանձնել Միհրդատ Պոնտացուն, շատ լավ գիտակցելով, որ պահանջը մերժելու է: Պահանջը հենց այդ խնդիրն էր հետապնդում մերժման գեսլքում ձևական իրավունք ստանալ Մեծ Հայքի թագավորության վրա հարձակվելու համար: Մ.թ.ա. 69 թ. ստանալով Հայոց արքայի մերժողական պատասխանը, Լուկուլլոսը ներխուժեց Հայոց տեղություն և չնայած սկզբնական շրջանում ունեցած հաջողություններին, վերջին հաշիվով պարտություն կրեց: Օգտվելով հայկական բանակների տարած հաղթանակից և Տիգրան Մեծի ռազմական օժանդակությունն ստանալով, Միհրդատ VI-ը շուտով վերականգնեց իր իշխանությունը Պոնտոսում: Գալով Փոքր Ասիա, հռոմեական զորավար Գնեոս Պոմպեոսը ստիպված էր կրկին գրավելու Պոնտական թագավորությունը, իսկ Միհրդատը զրկվելով Տիգրան Մեծի հյուրընկալությունից, որը կասկածում էր նրան իր որդիներին իր դեմ ապստամբեցնելու խնդրում, սկզբում փախավ Կողքիս, այնուհետև անցավ Բոսպորյան թագավորություն: Հաստատելով իր իշխանությունն այնտեղ, նա սկսեց Հռոմի դեմ պայքարի նոր ծրագրեր մշակել: Սկզբում նա մտադիր էր Եվքսինյան Պոնտոսի հյուսիսային ափերով շարժվել Թրակիա և հռոմեացիների վրա հարձակվել Եվրոպայում, սակայն շուտով նրա մեջ ծնունդ առավ մի համարձակ ծրագիր, որով նախատեսվում էր Թրակիայի, Մակեդոնիայի և Պեոնիայի վրայով ներխուժել Իտալիա Ալպերի վրայով և Հաննիբալի օրինակով փորձ անել ջախջախելու հակառակորդին իր երկրում: Այս ծրագիրը դատելով Բոսպորյան թագավորության համեստ հնարավորություններից, հազիվ թե իրագործելի էր, սակայն Միհրդատ Պոնտացին սկսեց եռանդուն ձևով պատրաստվել դեպի Հռոմ ձեռնարկվելիք արշավանքին: Զորահավաքները, անասելի ուժեղացած հարկերը մեծ դժգոհություն առաջ բերեցին բնակչության մեջ, որն ապստամբեց: Ապստամբեց նաև թագավորի որդի Փառնակը: Ապստամբությունը ճնշել չկարողանալով և փրկություն որոնելով ապստամբ զինվորներից, հպարտ ծերունին որոշեց ինքնասպանություն գործել նախապես ոչնչացնելով իր կանանոցը և առաջին հերթին դստերին: Միհրդատը թույլ ընդունեց, սակայն հակաթույնների վարժված նրա մարմինը թույլից չազդվեց: Թագավորի պահանջով նրան սպանեց իր հավատարիմ մերձավորներից կելտ Բիտոյտը³⁷:

Մենք մատուցեցինք Միհրդատ VI Եվպատորի Հռոմի հետ մղած պատերազմի համառոտ պատմությունը՝ ցույց տալու համար, թե ինչպես այն

³⁷ Նույն տեղում, էջ 111:

համընկնում է Պատմահոր հաղորդմանը: Սա մեր հայտնագործությունը չէ և, ինչպես սպասելի էր, ինքնացու վերոհիշյալ խճողված հաղորդումը վաղուց ի վեր արժանացել է ուսումնասիրողների ուշադրությանը: Ակադեմիկոս Հ. Մանանդյանը, անդրադառնալով պոնտական թագավոր Միհրդատ VI Եվպատորի գործերի ունեցած հաջողություններին Փոքր Ասիայում, Եվրոպա անցնելու ու Թրակիան և Մակեդոնիայի մի մասը դրավելուն, նշում է, որ պոնտացիները՝ Հռոմի դեմ մղած պատերազմի մասին աղոտ տեղեկություններ են պահպանել Մովսես ինքնացու «Պատմութիւն Հայոց»-ը և «Աշխարհացոյց»-ը³⁸: Եվ, իրոք, վերջինիս տեղեկությունները հար և հարազատ են առաջինի հաղորդմանը: Պատմահայրը, որի գրչին է պատկանում նաև «Աշխարհացոյց»-ը, գրում է. «Եւրիու մեծ կղզի, եւ Ատալանտ փոքրիկ կղզեակ ի մէջն. զոր ասեն գտեալ զօրացն Արտաշեսի Հայոց արքայի, զի մի նաւք ռոճկացն յամիցեն, մինչև պաշարեալն էր զղղեակն Զարմանալի. զի ջուրք յանպատճառս այսր անդր հոսէին. եւ ասեն անդ մեռեալ Արտաշէսի. և Արիստոտէլ անդ եղեւ խորասոյզ. Եւռոպոս է անուն նորա»³⁹: Թե՛ գերմանացի մեծ հայագետ Յ. Մարքվարթը և թե՛ Հ. Մանանդյանը եկել են այն եզրակացություն, որ Զարմանալի կոչված դելտին անկասկած Աթենքն է⁴⁰, որը պատերազմի ժամանակ պաշարել էր հռոմեական զորավար Սուլլան, իսկ Եվսեա (էվբեա) մեծ կղզին գրավել էին 88 թ. պոնտական զորքերը: Ինքնացու տեղեկությունն այն մասին, թե հայոց Արտաշես թագավորը գրավել էր երկու ծովերի միջև ընկած ցամաքը, այսինքն՝ Փոքր Ասիան, և լցրել օվկիանոսը նավերի բազմությունը, անտարակույս, համասլատասխանում է պոնտացիների մղած մասնավորապես Միհրդատյան Առաջին պատերազմի իրադարձություններին: Հատկապես այդ ժամանակներին է վերաբերում այն ճիշտ տեղեկությունը, թե Միհրդատ VI Եվպատորի կողմից մ.թ.ա. 88 թ. Թրակիայի, Մակեդոնիայի և Հելլադայի նվաճման ժամանակ Հռոմը չկարողացավ «հզօրապէս ընդդիմանալ» պոնտական զորքերին ներքին մեծ հուզումների և խռովությունների պատճառով⁴¹:

Հանգելով միանգամայն արդարացված և ճիշտ եզրակացություններին, Հ. Մանանդյանը գալիս է այն մտքին, որ ինքնացուն ծանոթ չեն եղել Միհրդատյան, այսինքն՝ Միհրդատ VI Եվպատորի մղած պատերազմներին վերաբերող հռոմեական և հունական աղբյուրները, ուստի և նա չի կարողացել տալ պատմական այս շրջանի ճշգրիտ պատմությունը և շփոթելով դեպքերը, ենթադրել է, թե վերոհիշյալ անցքերը կարող էին տեղի ունենալ Լյուդիական Կրեսոս թագավորի և Արտաշես Աշխարհակալի ժամանակ⁴²: Այս ամենն իր ամբողջության մեջ, անշուշտ, ճիշտ է, սակայն, այնուամենայնիվ, բաց է մնում այն հարցի պատասխանը, թե ինչո՞ւ է ինքնացին հանգում նման սխալ եզրակացության: Սակայն նախքան այս հարցին

³⁸ Հ. Մանանդյան, Բնական տեսություն հայ ժողովրդի պատմության. հ. Ա, Երևան, 1944, էջ 145:

³⁹ Աշխարհացոյց Մովսեսի ինքնացու յաւելուածովք նախնեաց. Վենետիկ, 1881, էջ 17:

⁴⁰ J. M a r q u a r t, E r a n š a h r. Berlin, 1901, S. 4. Հ. Մանանդյան, նշվ. աշխ., հ. Ա, էջ 147:

⁴¹ Հ. Մանանդյան, նշվ. աշխ., հ. Ա, էջ 147:

⁴² Նույն տեղում:

սլատասխանելը, հարկ ենք համարում նշել, որ Հ. Մանանդյանն ուշադրություն է դարձնում խորենացու հաղորդման այն մասին, թե Հելլադայից Հայաստան էին բերվել Դիոսի (Իմա՝ Զևսի), Արտեմիդեի, այսինքն՝ Արտեմիսի, Աթենասի, Հեփեստոսի, Ափրոդիտեի արձանները և քննադատում ֆրանսիական ուսումնասիրող Ա. Կարիերին, որի կարծիքով հունական կուռքերի Հայաստան բերվելը ոչ թե իրական ինչ-որ մի դեպքի է համասլատասխանում, այլ արդյունք է խորենացու խորհրդածող երևակայության¹⁹։ Մերժելով Ա. Կարիերին, նա նման կարծիքը ոչ միայն համարում էր վիճելի, այլև գտնում էր, որ Ադաթանգեղոսի և խորենացու վկայությունների համաձայն, հիշյալ աստվածների (Դիոս, Արտեմիդե, Աթենաս և Հեփեստոս) արձանները գտնվել են Անի-Կամախում, Երեղում, Թիլում և Բագառնոնում, իսկ այդ տարածքները ըստ Յ. Մարքվարթի և նրա, Միհրդատյան սլատերադմաների ժամանակ դեռ չէին միացվել Մեծ Հայքի թագավորությանը և մտնում էին Պոնտական թագավորության մեջ։ Հետևաբար, եղրակացնում է մեծանուն հայագետը, միանգամայն հավանական է, որ այդ արձանները կարող էին բերված լինել Հունաստանից Միհրդատյան Առաջին սլատերադմի ժամանակ։

Ինչպես տեսնում ենք, ուսումնասիրողները միասնական են այն խնդրում, որ Պատմահոր հաղորդման մեջ հիմնական իրադարձությունները վերաբերում են Պոնտոսի թագավորության Միհրդատյան Առաջին սլատերադմում ունեցած հաջողություններին և Միհրդատ VI Եվպատորի Բոսպորյան թագավորությունում իր կյանքի վերջին օրերին ունեցած գործունեությանն ու իր դեմ բռնկված ասպատակության հետևանքով ինքնասլանություն գործելուն, որը հետագայում ընկալվել է որպես իր դրքերի կողմից սպանություն։ Հիշյալին միասնականվել են Կրեսոսի ժամանակների իրադարձությունները, որոնք աղբյուրվել են հայոց Արտաշես Աշխարհակալ թագավորի գործունեությանը։ Եվ թե, ինչպես դժվար չէր վերը համոզվել, հայերը ի դեմս Քսերքսեսի և նրա որդի Արշեղի, մասնակցություն են ունեցել Կրեսոսի գերեվարմանը՝ սլատնու դառնալով Արտաշես թագավորի կողմից այդ գործողությունն իրականացնելու փաստի մեջտեղ գալուն, ասլա այդ նաև նշանակում է, որ սլտք է անսլայման գոյություն ունենար մի ինչ-որ Արտաշես թագավոր, որը լիներ հայոց արքա և նրան վերադրվելին Քսերքսեսի և Արշեղի կատարած սլրադործությունները։ Ըստ որում, ոչ միայն չի բացառվում, այլև միանգամայն տրամաբանական է, որ Պատմահոր երկում հիշված Արտաշեսն ունեցել է թերևս մեկ այլ անուն ևս, որը և առաջ է բերել թյուրիմացությունը։

Մեզ համար կասկածից վեր է, որ ուսումնասիրողներն իրավացի են այն խնդրում, թե Պատմահոր հաղորդման մեջ սլատմվող իրադարձություններն առաջին հերթին վերաբերում են Միհրդատյան Առաջին սլատերադմի ժամանակներին։ Ուստի իրավացիորեն հարց է ծագում, թե Մովսես խորենացին ինչպե՞ս կարող էր Միհրդատ VI-ին վերաբերող դեպքերը կասել հայոց Արտաշես թագավորի գործունեության հետ։ Պատճառը, մեր կարծի-

¹⁹ Ա. Կարիեր. Հեթանոս Հայաստանի ութ մեհաններն Ադաթանգեղոսի և Մ. խորենացու համեմատ., թարգմ. Հ.Վ. Տաշյանի, Վիեննա, 1899, էջ 39։ Տե՛ս նաև Հ. Մանանդյան. նշվ. աղյուս., հ. Ա, էջ 147։

քով, այն է, որ պոնտական թագավորն անպայման կրել է Արտաշես անունը և համարվել ինչ-ինչ պատճառներով հայոց արքա՝ պատճառ դառնալով, որ երբեմն միևնույն անունը կրող անձանց իրար հետ շփոթող Պատմահայրն իրեն հասած տեղեկությունը նմանօրինակ մեկնաբանություն տա: Իսկ թե դա ինչու և ինչպե՞ս կարող էր տեղի ունենալ, մենք կփորձենք ստորև մեկնաբանել և բացատրություն տալ:

Հայտնի է, որ Միհրդատ VI Եվպատորը Պոնտոսի դահ բարձրացավ պաշտոնապես 121/120 թ. իր հոր՝ Միհրդատ V-ի սպանությունից հետո, որը կատարվեց նրա մերձավորների կազմակերպած դավադրության միջոցով⁴⁴, չնայած Յուստինոս այն համարում է պարզապես վաղաժամ մահ⁴⁵: Հենվելով Ապպիանոսի և Սալյուստիոսի հաղորդումների վրա, կարելի է ենթադրել, որ դավադրության մեջ էր նրա կին Լաոդիկեան, որը սելևկյան Անտիոքոս Եպիփանես թագավորի դուստրն էր: Շատ հնարավոր է, որ դավադրությունը գործում էին ունենալով Հռոմի գաղտնի աջակցությունը, ինչպես ենթադրում է Թ. Ռեյնախը,⁴⁶ սակայն Ֆ. Շտեյլինը մեծ կասկածանքով է վերաբերում նրա կողմից Միհրդատ V Եվերդեսի կնոջը Անտիոքոս IV Եպիփանեսի դստեր հետ նույնացնելուն⁴⁷: Չնայած կասկածներին և Լաոդիկեայի Անտիոքոս IV-ի դստեր հետ նույնացնելու կամ չնույնացնելու հանգամանքին, դավադրության մեջ հռոմեական կողմի ուղղակի կամ անուղղակի մասնակցությունը, մեր կարծիքով, չատ հավանական է:

Միհրդատ VI-ը դահ բարձրացավ, երբ ընդամենը 11 տարեկան էր⁴⁸: Հոր կտակի համաձայն, թագավորի դեռահասությունը շրջանում երկիրը պետք է կառավարեր նրա մայր Լաոդիկեան: Չի բացառվում, որ վերջինս, լինելով իշխանատենչ ու փառասեր անձնավորություն, դավադրությանը մասնակցել էր իշխանությունը տիրելու նպատակով, ուստի այն պահից սկսած, երբ մանկահասակ Միհրդատ VI-ի մոտ ի հայտ եկան նրա ուժեղ բնավորության գծերը, մայրը փորձեց վերացնել որդուն և իշխանությունն ամբողջությամբ վերցնել իր ձեռքը⁴⁹: Մոր մահափորձերը հետևում էին մեկը մյուսին և թագավորն ստիպված էր իր փոքրաթիվ կողմնակիցներով հեռանալ պալատից ու թաքնվել մոր վրեժխնդրությունից: Յոթ տարի ապրելով աստանդական կյանքով, որի մասին տարբեր գրույցներ են հյուսվել, ըստ պատմիչների, նա վերադառնում է պալատ, տիրանում հոր դահին և հաշվեհարդար տեսնում բոլոր նրանց հետ, ովքեր կամենում էին նրան ոչնչացնել: Նրա վրեժխնդրությունից չի խուսափում նաև մայրը, որը բանտ է նետվում ու այնուհետև սպանվում Միհրդատի հրամանով⁵⁰:

Ինչպես վերը նշել ենք, ուսումնասիրողների կարծիքով, Միհրդատ VI-ի առջին քայլերից մեկը եղավ Փոքր Հայքի նվաճումը⁵¹: Այս ելրակացությունը

⁴⁴ Strabo, X, 4, 10.

⁴⁵ Justin, XXXVII, 1.

⁴⁶ Th. Reinach. Նշվ. աշխ. էջ 41:

⁴⁷ F. Stahl. Geschichte der kleinasiatischen Galater. Leipzig, 1907, S. 709. Տե՛ս նաև Geyer. Mithridates, RE, 30. Hbb., p. 2163.

⁴⁸ Appian., Mithr., 112.

⁴⁹ Justin, XXXVIII, 7, 1. Eutrop., v, 2-3.

⁵⁰ Appian. Mithr., 112.

⁵¹ Ed. Meyer. Նշվ. աշխ., էջ 87:

յունը, որ հիմնված է Ստրաբոնի այն հաղորդման վրա, թե «երբ Միհրդատ նվաթառորը զորացավ, տիրեց Կողքիսին և այն բոլոր երկրներին, որոնց իշխանությունը Սիսիսի որդի Անտիպատրոսը հանձնեց նրան: Միհրդատը հոգ տարավ այս երկրների մասին և շինեց նրանց մեջ 75 ամրոց՝ պահելու համար իր գանձերի մեծագույն մասը: Սրանցից ամենից ավելի արժանի են հիշատակության Հյուզարան, Բասգոյդարիդան և Սինորիան, որ գտնվում է Մեծ Հայաստանի սահմանում. սրա համար էլ Թեոփանեսը վերակոչել է այն՝ Սյունորիա: Պարիազրեսի ամրոցը այս լեռնոտ շրջանը հարմարավոր էր լինելով ջրառատ, անտառաշատ և անդունդներով սեպացած ու վիհերով բաժանված ամեն կողմից, ուստի այնտեղ կառուցեց մեծագույն մասն իր գանձատների, և վերջումն էլ Միհրդատը՝ Պոմպեոսի արշավանքին ապաստանեց այստեղ, Պոնտական թագավորության այս ծայրամասը, և եկեղիքում Դաստեյրայի մոտ գրավելով մի ջրառատ լեռ (սրան մոտիկ է նվիրատը), որ բաժանում է եկեղիքը Փոքր Հայքից, մնաց այնտեղ, մինչև որ պաշարվելով ստիպված փախավ լեռներով Կողքիս և այնտեղից էլ Բոսսոր: Պոմպեոսը նույն տեղի մոտ շինեց Փոքր Հայքում նիկոպոլիս քաղաքը, որ այժմ էլ կա և լավ բնակված է»⁵²: Ըստ մեզ, Հր. Աճառյանի կողմից կաարված թարգմանության մեջ ճիշտ է ընկալված հաղորդման էությունը և Միհրդատ VI-ի կողմից իշխանության հաստատումը Փոքր Հայքում մատուցվում է որպես վերջինիս հանձնում պոնտական թագավորին Փոքր Հայքի թագավոր Անտիպատրոսի կողմից, որը Սիսիսի որդին էր: Որ, իրոք, խոսք անգամ չէր կարող լինել նվաճման մասին, հավաստում են հիշյալ հաղորդման մյուս մանրամասները: Պոնտական թագավորը ոչ միայն Փոքր Հայքի հետ չի վարվում որպես նվաճված երկրի, այլև հոգ է տանում նրան և իրեն խիստ ապահով ու անվտանգ զգալով, այստեղ է պահում գանձերի մեծագույն մասը և կառուցում է 75 ամրոց: Հաղիվ թե Միհրդատը, նվաճելով Փոքր Հայքը և առաջ բերելով տեղացիների թշնամանքը, իրեն այնքան ապահով զգար այնտեղ, որ Փոքր Հայքում կառուցեր իր սանձատների մեծագույն մասը և վերջում էլ, իր անհաջողությունների շրջանում, ապաստան փնտրեր այդ կողմերում: Դժվար չէ տեսնել, որ Միհրդատի համար Փոքր Հայքն առավել քան սոսկ բարեկամական երկիր է: Հետևաբար կա մի ինչ-որ մեզ անհայտ իրադարձություն, որի մասին սկզբնաղբյուրները տեղեկություններ չեն պահպանել, սակայն որի գոյությունը կռահելի է հենց Ստրաբոնի վերը բերված հաղորդումից: Մերժելով Գ. Ա. Ստրատանովսկու թարգմանությունը, որով Փոքր Հայքում Միհրդատ VI-ի իշխանության հաստատումն ընկալվում է որպես Սիսիսի որդի Անտիպատրոսի կողմից հիշյալ երկրի զիջում,⁵³ այլ խոսքով, նվաճման արտահայտություն, մենք կարծում ենք, որ դեպքերի իրական պատկերը մի փոքր, եթե չասենք միանգամայն այլ է եղել: Ինչպես վերը, վերլուծելով Ստրաբոնի հաղորդումը, ցույց տվեցինք, որ դրանից բոլորովին

⁵² Strabo, XII, 3, 28, տե՛ս Ստրաբոն, քաղեց և թարգմանեց Հ. Աճառյան, Երևան, 1940, էջ 75, 77:

⁵³ Страбо́н. География в 17 книгах, перевод, статья и комментарии Г.А. Стратановского, Л., 1964, XII, 3, 28 ("Митридат Евпатор стал владыкой Колхиды и всех этих стран, уступленных ему Антипатром, сыном Сисиды").

չի բխում, թե Փոքր Հայքը նվաճված երկիր է, այդպես էլ այդ միտքը կարելի է հաստատել Կողքիսի օրինակով, որը բնավ նման հոգատարության չի արժանանում: Ավելին, եթե Կողքիսն ապստամբում է պոնտական թագավորի դեմ՝ պահանջելով իրեն թագավոր տալ ի դեմս Միհրդատ VI-ի որդու, ապա Փոքր Հայքը սլահականում է իր հավատարմությունը նրան մինչև վերջին պահը: Պոնտական թագավորը ոչ միայն Փոքր Հայքում իրեն վստահ է զգացել, այլև առնվազն ընդունելի գահակալ է համարվել: Հետևաբար տեղին է ենթադրել, որ Փոքր Հայքի թագավորությունը Միհրդատ VI-ին է անցել խաղաղ ճանապարհով և այնպիսի իրավական կացությունում, որը նրա բնակիչների շրջանում ոչ միայն դժգոհություն առաջ չի բերել, այլև բարեկամական հարաբերություններ է ստեղծել թագավորի և հայերի միջև: Միակ հավանական ենթադրությունը, որը, մեր կարծիքով, հաստատվում է մի քանի այլ անուղղակի տեղեկություններով, այն է, որ Սիսիսի կամ ավելի շուտ Սիսի որդի Անտիպատրոսը եղել է անժառանգ և Փոքր Հայքը նրա կողմից որպես ժառանգություն հանձնվել է Միհրդատ VI-ին: Ըստ որում, կա մի շատ կարևոր հանգամանք, որը զարմանալիորեն դուրս է մնացել Ստրաբոնի ուշադրությունից: Այդ ինչպե՞ս է հաջողվել իշխանությունից փաստորեն զրկված և աստանդական կացության մեջ հայտնված երիտասարդ Միհրդատ VI-ին վերահաստատվել պոնտական դահին: Այդ ո՞ր ուժերն են, որ սատար են կանգնել երիտասարդ գահակալին արքունական իշխանությունը ետ վերադարձնելու հարցում: Միայն զարմանալ կարելի է, թե ինչպես առանց բավարար ուժերի, արքունական գահանիստ հայտնված Միհրդատը տեղն ու տեղը չի ձերբակալվել մոր կողմից ու ենթարկվել մահապատժի: Եվ եթե նրա մորն այդ էջը հաջողվել իրականացնել որդու փախուստի և թաքնվելու պատճառով, ապա ի՞նչն էր, որ նրան խանդարեց իրականացնել Միհրդատ VI-ի վերադարձի պարագայում: Մեր կարծիքով, միակ և շատ հավանական ենթադրությունն այն է, որ երիտասարդ Միհրդատը՝ աշխատելով մի կերպ փրկվել մոր հետապնդումից, գալիս է Փոքր Հայք, որի անժառանգ Անտիպատրոս թագավորը տեսնելով նրա տաղանդն ու բազում ունակությունները, որոշում է նրան որդեգրել, որի արդյունքում թագավորությունը ժառանգություն է մնում որդեգրին: Ասկայն որդեգրությունը և գահ բարձրանալը հայերի շրջանում, ինչպես հավաստում է Տակիտոսը, ուղեկցվում էր անվանափոխությամբ: Այսպես, լատին հեղինակի խոսքերով, «այդ ժամանակաշրջանում Վոնոնին հեռացնելուց հետո (հայերը – Ն. Բ.) թագավոր չունեին, սակայն ժողովրդի տրամադրությունը հակվում էր դեպի Պոնտոսի թագավոր Պոլեմոնի որդի՝ Ջենոնը, որովհետև հենց մանկությունից նա կրթվել էր Հայերի սովորույթներով ու կենցաղով. որսագնացության, խրախճանքների և բարբարոսների մոտ հաճախ դորձադրվող այլ սովորությունների միջոցով նա իրեն հետ էր կապել թե՛ ազնվականներին և թե՛ հասարակ ժողովրդին: Այդպիսով Գերմանիկոսն Արտաքսատա (իմա՝ Արտաշատ – Ն. Բ.) քաղաքում մեծամեծների հավանությամբ և շուրջը հավաքված բաղնիքային ներկայությամբ՝ նրա գլխին դրեց թագավորական զարդանշանը: Մնացածները, հարգանք մատուցելով թագավորին, ողջունում էին Արտաշես

անվանելով: Այսպես կոչեցին նրան քաղաքի անվան օրինակով»⁵¹: Անշուշտ, Զենոնին հայերը Արտաշես կոչեցին ոչ թե Արտաշատ քաղաքի անունով, ինչպես սխալմամբ կարծում է պատմիչը, այլ նրան ավեցին հայոց թագավորական հարստության տոհմական ամենատարածված անունը, որը պայմանավորված էր հայոց սովորութային իրավունքով: Որ այգպիսի անվանողական կարգ կար Հայաստանում, կարելի է համոզվել նաև Պատմահոր երկի շարադրանքից, որտեղ հայոց Տրդատ I թագավորը հանդես է գալիս միայն Արտաշես անունով, իսկ նրա դարաշրջանի և նրա անձի հետ կապված իրադարձությունները միահյուսվել են Արտաշես I-ի և այլ Արտաշեսների գործունեության հետ,⁵² որտեղ Մեծ Հայքում գահակալած Սոհեմոսը հայ իրականությանը հայտնի է Տիգրան անունով⁵³: Անհրաժեշտության դեպքում այս ցանկը կարելի է շարունակել, սակայն բերված օրինակներն էլ բավական են ցույց տալու համար, որ օտարազգի դահակալի համար անվանակոչությունը դա՛հ բարձրանալիս պարտադիր էր: Կարծում ենք, որ, հիմք ունենալով այս իրողությունը, կարելի է վստահաբար ասել, որ Միհրդատը որդեգրվել է, թերևս արդեն Անտիպատրոսի կենդանության օրոք թագադրվել որպես հայոց թագավոր և հայերը նրան գահ բարձրանալիս սովել են Արտաշես անունը: Այս դեպքում նաև լրիվ հասկանալի է դառնում, թե ինչու եվտրոպիոս պատմիչը Միհրդատին համարում է Պոնտոսի և Հայաստանի թագավոր, իսկ թե ինչու նա էլ արտակարգ հոգատար է Փոքր Հայքի նկատմամբ: Եթե ամբողջությամբ վստահենք Ստրաբոնի հաղորդման ճշտությունը, ապա պետք է եզրակացնենք, որ Միհրդատը տիրել է Փոքր Հայքին Պոնտոսում գահ բարձրանալուց հետո, սակայն այն իրողությունը, որ Պատմահայրը նրան կոչում է Արտաշես անունով, բացառում է դրա հնարավորությունը: Ամեն ինչից ելնելով, նա սկզբում պետք է թագավորեր Փոքր Հայքում և հետագայում օգտավորվելով իր հայկական թագավորության ուժերը, կարողանար տիրել իր հայրենի թագավորությանը: Փոքր Հայքի ռազմական ուժերն էին, որ, ամենայն հավանականությամբ, նրան հնարավորություն տվեցին վերադառնալու Պոնտոս և, չնայած մոր և նրա կուսակիցների դիմադրությանը, թագավորել Պոնտոսում: Այլ խոսքով, մի որոշ ժամանակ նա հանդես է եկել միայն որպես հայոց թագավոր և այն էլ միայն Արտաշես անունով: Այս վիճակը, որ Միհրդատ-Արտաշեսը եղել է հայոց թագավոր և կռվել է Հուսիսի դեմ, սկզբնաղբյուրներում կարող էր մի դեպքում արտացոլվել որպես հայոց թագավորի գործունեություն կամ Արտաշես թագավորի գործունեություն, իսկ մյուս և ավելի շատ դեպքերում իրապես կապվել միայն Միհրդատի անվան հետ: Հայոց Պատմահայրը, որ այսպիսի դեպքերում, որպես կանոն, դրսևորելով իր հայրենասիրությունը և իր հայրենիքի գործիչների մեծա-

⁵¹ Կ. Տ ա կ ի տ ո ս, քաղեց և լատիներենից թարգմանեց պրոֆ. սլաշտ. Պ. Սոտնիկյանը, Երևան, 1941, էջ 14-15:

⁵² Ա. Մ. Գ ա ռ ա ղ ա չ յ ա ն. Քննական պատմություն Հայոց, մասն Բ, Թիֆլիս, 1895, էջ 242-244: Հ. Մ ա ն ա ն դ յ ա ն. Նշվ. աշխ., Հ. Բ, մասն Ա, Երևան, 1957, էջ 12-14:

⁵³ Մ. Չ ա մ չ յ ա ն. Պատմություն Հայոց. Հ. Ա, Վենետիկ, 1784, էջ 355-357: К. К о с т а н я н ц. История Армении. М., 1911, с. 42. Հ. Մ ա ն ա ն դ յ ա ն. Նշվ. աշխ., Հ. Բ, մասն Ա, էջ 46-48:

գործություններով հպարտանալը, առավելությունը տալիս էր հայ թագավորներին ու դործիչներին, դերադասություն է տվել այն աղբյուրներին, որտեղ հիշյալ դեպքերը վերագրված էին հայոց Արտաշես թագավորին, որը, սակայն, իրականում Միհրդատ VI Եվպատորն էր: Մեր կարծիքով, միայն այսպես կարող է ընկալվել ու մեկնաբանվել Մովսես Խորենացու հաղորդումը հայոց Արտաշես Աշխարհակալ թագավորի հիշյալ գործունեության մասին:

Անշուշտ, այստեղ կարելի էր վերջակետ դնել և ավարտել ուսումնասիրությունը, սակայն կա երկու խնդիր, որոնք չհիշատակել չի կարելի: Իրականությունն այն է, որ Պատմահոր Արտաշես Աշխարհակալը բարգ կերպար է: Այն ոչ միայն արտացոլում է հայոց Արտաշես անունը կրող մի քանի թագավորների և Միհրդատ VI Եվպատորն արքայի գործունեությունը, այլև՝ ամեն ինչից դատելով, տեղեկություններ է պարունակում նաև Տիգրան Մեծի վերաբերյալ, հանգամանք, որ մինչև օրս դարձանալիորեն չի արժանացել պատմաբանների ուշադրությանը: Միհրդատ VI-ի և Տիգրան Մեծի կողմից Արտաշես անունը կրելը մեծասլես նպաստել է, որ Միհրդատ-Արտաշեսի կատարած գործերը շփոթվեն Տիգրան Մեծ-Արտաշես Աշխարհակալի մեծագործությունների հետ և տեղ գտնեն Մովսես Խորենացու երկում: Այս վերին աստիճանի հետաքրքիր խնդիրը, որ, անտարակույս, առանձին քննության առարկա է և հնարավորություն է տալիս բացահայտելու հայոց մեծ աշխարհակալ թագավորի գործունեության որոշ նոր մանրամասներ, մենք թողնում ենք ապագային և մտադիր ենք հանդես գալ առանձին աշխատությունում, սակայն երկրորդ խնդիրը անհրաժեշտ ենք համարում քննության առնել այժմ:

Ինչպես վերը նշել ենք, ուսումնասիրողների կարծիքով հելլենական աստվածների արձանները բերվել են Անի ամրոց Միհրդատյան Առաջին պատերազմի ժամանակ: Ըստ որում, քանի որ արձանները բերվել են Միհրդատ Եվպատորնի կողմից, ապա հիշյալ տարածքները նշված ժամանակներում դեռ չէին կցվել Մեծ Հայքի թագավորությանը և մտնում էին Պոնտոսի մեջ: Այս տեսակետը տրամաբանական առումով այնքան կուռ է թվում, որ Ս. Տ. Երեմյանն իր կազմած պատմական քարտեզներում Ակիլիսեն-Եկեղիքի տարածքը մտցրել է Պոնտական թագավորության մեջ, առանձնապես ուշադրություն չդարձնելով Ստրաբոնի այն հետաքրքիր տեղեկությանը, թե «...Արմենոսի հետ եղողները բնակվեցին Ակիլիսենում (որ նախապես ենթակա էր Ծոփքին), ...»⁵⁷: Հույն աշխարհագրագետի նշված հաղորդումը, որի իսկությունը հազիվ թե համարձակվի կասկածի տակ առնել որևէ ուսումնասիրող, մեր առջև մի շարք բարդ խնդիրներ է դնում: Այսպես, եթե Ակիլիսենն նախապես Ծոփքի մեջ էր, ապա տրամաբանական է ենթադրել, թե այն արդեն մ.թ.ա. 94 թ. Ծոփքի թագավորության հետ մեկտեղ միացվել էր Մեծ Հայքի թագավորությանը: Եզրակացությունը, որ միանգամայն հուսալի է և տրամաբանական, հակասության մեջ է այն հետազոտողների տեսակետներին, ըստ որի Ակիլիսենն Միհրդատ VI-ի գահակալության շրջանում պատկանել է Պոնտոսին և միացվել

⁵⁷ Strabo, XI, 14.12.

է Մեծ Հայքի թագավորութեանը միայն մ թ ա. 66 թ. Արտաշատի հայ-հռոմեական պայմանագրով: Կարծում ենք, որ եղրակացութեանն էր այս ծաղկաբույսը կարելի է մի փոքր սրբագրում կատարել: Նախ և առաջ, կարելի է կասկածի տակ առնել այն կարծիքը, որ Ակիլիսենե-Եկեղիքը մինչև մ թ.ա. 66 թ. Մեծ Հայքի թագավորութեան մաս չի կազմել և, ուր այդ է վկայում Ստրաբոնի հաղորդումը կապված Ակիլիսենեի Ծոփքի մաս կազմելու հետ: Կարծես թե դրան խանգարում է Կղավգիոս Պտղոմեոսի կողմից Փոքր Հայքում Կալտիորիսսա բնակավայրի հիշատակությունը⁵⁸, որը կարող է նույնացվել Խաղտոյառիճի հետ: Սակայն նշված բնակավայրի կոորդինատները, մասնավորապես ոչ հեռու գտնվելը Նիկոպոլիսից և Սատաղից, այդ նույնությունը դարձնում են պարզապես անհնարին: Մյուս կողմից Բրեսսոս բնակավայրը, որ հեշտությամբ սրբագրելի է Երեսսոս և նույնական է Երեզ ավանին, Պտղոմեոսը հիշում է մեծ Հայքում⁵⁹, բնակա-նարար Երեզից դեպի արևելք գտնվող Խաղտոյառիճը անվերապահորեն պետք է գտնվեր Մեծ Հայքում: Եթե Ակիլիսենեն մտել է Մեծ Հայքի մեջ, ապա հունական աստվածների արձանները կարող էին բերվել Մեծ Հայքի թագավորություն Միհրդատ VI Արտաշեսի կամ Տիգրան Մեծ-Արտաշես Աշխարհակալի կողմից: Տիգրան Մեծն այդ կարող էր կատարել արդեն մ.թ.ա. 93 թ. Կապադովկիա կատարած արշավանքից հետո, իսկ Միհրդատ VI-ը երկու երկրների միջև կնքված փոխօգնություն պայմանագրի համա-ձայն, կարող էր ավարի մաս հանդիսացող նշված արձանների մի մասը հանձնել իր դաշնակից երկրին: Այլ խոսքով, եթե Արտաշատի պայմանագրով Տիգրան Մեծը Պոմպեոսից ստացավ Փոքր Հայքի մի մասը, ապա այն զրադեցնում էր միայն Ճորոխ գետի ավազանի արևմտյան հատվածը, իսկ Ակիլիսենե-Եկեղիքը, Դերջանը հարակից տարածքներով մինչ այդ էլ մաս էին կազմում Մեծ Հայքի⁶⁰:

Ամփոփենք: Ի մի բերելով վերը կատարված քննության արդյունքները, մենք գալիս ենք այն հիմնավոր եղրակացության, որ Միհրդատ VI-ը սկզբնապես թագավոր է հռչակվել Փոքր Հայքում՝ ստանալով հայոց արքայատոհմիկ Արտաշես անունը, մի որոշ ժամանակ թագավորել է որպես Արտաշես արքա, մինչև որ կարողացել է հաստատվել հայրենի դահլիճ և տիրել Պոնտոսի թագավորությանը: Նշված պատճառով հայ ժողովրդի պատմական հիշողությունը նրան համարել է հայոց թագավոր, իսկ կատարած մեծագործություններն էլ հայոց Արտաշես թագավորի գործունեությո-ւն, որը և ի երջանկություն մեզ, Պատմահայրը՝ առանց մանրամասների մեջ խորանալու և ազդվելով նաև այն իրողությունից, որ Տիգրան Մեծը ևս կրել է Արտաշես անունը, արտացոլել է իր հանճարեղ երկում:

⁵⁸ Claudii Ptolomaei Geographia, գիրք V, գլ. 6, 20:

⁵⁹ Նույն տեղում, գ. V, գլ. 12, 5:

⁶⁰ Ստրաբոնի տեղեկությունը Միհրդատ VI-ի կողմից Փոքր Հայքում 75 ամրոցներ կառուցելու և գանձերի մեծագույն մասն այնտեղ պահելու մասին վերաբերում է միայն Ճորոխի ավազանի արևմտյան հատվածին: Պետինգերյան քարտեզի ուսումնասիրությունը ցույց է տալիս, որ Մինորա ամրոցը գտնվել է Արևմտյան Եփրատ և Ճորոխ գետերի ջրբաժանից հյուսիս, իսկ Արտաշատից Սատաղ գետացող ճանապարհը հարել է Սինորան ու Խաղտոյառիճ իրարից բաժանող Սկյութական կոչված լեռները:

ЦАРЬ ПОНТА МИТРИДАТ VI ЕВПАТОР
БЫЛ ТАКЖЕ И ЦАРЕМ АРМЯНСКИМ

БАБКЕН АРУТЮНЯН

Р е з ю м е

Изучение труда Мовсеса Хоренаци и ряда других первоисточников показывает, что деятельность знаменитого понтийского царя Митридата VI Евпатора, в частности, описание его известного похода в страны Малой Азии и Грецию с целью приостановить экспансию римлян и создать великую эллинистическую державу приписывается армянскому царю Арташесу. На основе сравнительного анализа имеющихся данных и сообщений автор приходит к выводу, что причиной появления такого, на первый взгляд, не имеющего с реальной историей ничего общего описания обусловлено тем, что Митридат VI Евпатор в годы своих скитаний бежит в Малую Азию, усыновляется ее бездетным царем Антипатром, провозглашается царем Малой Армении, приняв, согласно армянской традиции, династическое имя Арташес. С помощью войск Малой Армении Митридату VI удалось утвердиться также на родном понтийском троне, вследствие чего он иногда назывался царем Понта и Армении.

THE KING OF PONTUS MITHRIDATES VI EUPATOR WAS ALSO THE KING OF
ARMENIA

BABKEN HARUTYUNYAN

S u m m a r y

The study of Movses Khorenatsi's work and various other sources shows that the acts of the famous Pontian king, Mithridates VI Eupator, have also been attributed to the Armenian king Artashes, particularly in the description of his well known march into the Hellenistic states of Asia Minor and Greece, which were intended to halt Roman expansion into the East, and to create a great Hellenistic realm. Based upon the comparative analysis of available data and reports, the author comes to the conclusion that the reason for the above mentioned connection between the two kings, appearing on the surface have no merit, are due to the flight of Mithridates VI Eupator to the Kingdom of Asia Minor his subsequent adoption by the childless king, Antipatres, his rise to the throne of Armenia Minor, and, in accordance with royal Armenian traditions, his acceptance of the Armenian dynastic name Artashes. With the aid of the army of Armenia Minor, Mithridates VI Eupator also ascended to the throne of his native Pontus explaining why he has been named the king of both Pontus and Armenia by ancient authors.